

**Bosna i Hercegovina
Federacija Bosne i Hercegovine
Tuzlanski kanton
Grad Tuzla
Služba civilne zaštite**

**PROGRAM RAZVOJA
ZAŠTITE OD POŽARA I VATROGASTVA U GRADU TUZLI ZA PERIOD
2021. – 2026. GODINA**

Tuzla, mart 2021. godine

I - Uvod

Zaštita od požara i vatrogastvo su dio jedinstvenog sistema zaštite i spašavanja ljudi i materijalnih dobara od prirodnih i drugih nesreća u Federaciji BiH koji je uređen Zakonom o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", br. 39/03, 22/06 i 43/10), pa se radi toga zaštita od požara i vatrogastvo organiziraju i funkcioniraju u okviru tog zakona.

U skladu sa članom 19. Zakona o zaštiti od požara i vatrogastvu ("Službene novine Federacije BiH", broj: 64/09, u daljem tekstu: Zakon), programiranje razvoja zaštite od požara i vatrogastva iz nadležnosti grada vrši se u okviru Programa zaštite i spašavanja ljudi i materijalnih dobara od prirodnih i drugih nesreća u Gradu Tuzli. To programiranje se vrši u skladu sa Procjenom ugroženosti od požara i Planom zaštite od požara za područje općine/grada Tuzla i drugih činjenica važnih za programiranje, na period od najmanje pet godina.

Opći cilj Programa razvoja zaštite od požara i vatrogastva Grada Tuzla za period 2021-2026. godina je unapređenje zaštite od požara preventivnim djelovanjem kroz poduzimanje odgovarajućih aktivnosti i primjenu neophodnih mjera, te stvaranju uvjeta za pružanje kvalitetnog odgovora u slučaju nastanka i širenja požara.

Ovim Programom utvrđuje se:

1. Politika razvoja zaštite od požara i vatrogastva na području Grada
2. Strategija razvoja zaštite od požara i vatrogastva na području Grada
3. Akcijski planovi realizacije strateških ciljeva za period 2021. do 2026. godina koji obuhvataju:
 - Viziju razvoja,
 - Načela i opredjeljenja grada Tuzla po pitanju razvoja zaštite od požara i vatrogastva, te
 - Ciljeve i područja razvoja za planirani razvojni period.

II - Politika razvoja zaštite od požara i vatrogastva na području Grada

Uzimajući u obzir:

- Procjenu ugroženosti od požara na području grada Tuzla,
- trenutno stanje u ovoj oblasti, te
- zakonom utvrđene operativne i druge poslove Profesionalne vatrogasne jedinice Grada, kao osnovnih operativnih snaga zaštite i spašavanja¹,

politika razvoja zaštite od požara i vatrogastva grada Tuzle, upravo je i utemeljena na razvoju kapaciteta (ljudskih i materijalnih) za adekvatan odgovor vatrogasnih snaga² u zadacima koji su im stavljeni u nadležnost.

Politika razvoja zaštite od požara i vatrogastva u ovom razvojnem periodu osigurati će provođenje zakonskih mjera i aktivnosti, i to:

¹ Gasi požar; pruža tehničku pomoć u spašavanju ljudi u nezgodama ljudi izazvanim u saobraćaju (cestovni, željeznički, zračni, pomorski, jezerski i riječni); poplavama; spašavanju s visina idr.; učestvuje u provođenju preventivnih mjera zaštite od požara i eksplozija; pruža pomoć u spašavanju ljudi i materijalnih dobara kod postojanja stanja prirodne ili druge nesreće

² Profesionalna vatrogasna jedinica, dobrovoljne vatrogasne jedinice DVD-a i vatrogasne jedinice pravnih lica – dopunske snage za vatrogastvo, jedinice i povjerenici CZ, službe zaštite i spašavanja, Služba CZ, Štab CZ, Operativni centar CZ

- ispunjavanje zahtjeva specifičnim vatrogasnih intervencija, kao što su: spašavanje na vodi (evakuacija u slučaju poplava), spašavanju s visina, tehnička pomoć u spašavanju ljudi u saobraćajnim nesrećama i dr. ,
- gašenje šumskih i drugih požara na otvorenom prostoru i druge aktivnosti, u skladu sa Zakonom.

Da bi se navedeno i postiglo, politika Grada je usmjerena na jačanje:

- kapaciteta Profesionalne vatrogasne jedinice,
- dobrovoljnih vatrogasnih jedinica kako postojećih³ , tako i novoformiranih – dopunske snage,

i na taj način stvaranja uslova za:

- potpunu pokrivenost cijelog područja Grada,
- povećanje brzine reakcije vatrogasnih snaga i
- smanjenja posljedica po život i zdravlje ljudi od navedenih opasnosti.

Politika razvoja zaštite od požara i vatrogastva u gradu Tuzli usmjerit će se na unaprjeđenje u ovoj oblasti kroz usaglašavanje sa politikom razvoja viših nivoa vlasti, a u cilju preuzimanja dobrih praksi i usmjerenja iz iskustava EU u ovoj oblasti.

III - Strategija razvoja zaštite od požara i vatrogastva na području Grada

Strategija je usmjerena na stvaranje novih i unapređenje postojećih uslova u cilju sprječavanja izbijanja i širenja požara, njegovog otkrivanja, te zaštite ljudi, biljnog i životinjskog svijeta, materijalnih, istorijskih i drugih dobara i okoliša na bazi dugoročnog unapređenja zaštite od požara.

Područja u kojima Strategija treba ostvariti organizaciono-tehničke ciljeve zaštite od požara su:

- normativna regulativa,
- preventivna zaštita,
- organizacijske mjere,
- saradnja svih subjekata u sistemu zaštite od požara,
- sagledavanje kapaciteta u znanju, vještinama i potrebnoj opremljenosti.

Strategija razvoja zaštite od požara i vatrogastva za tekući planski period, ostvarivat će se kroz definisane strateške ciljeve, i to:

- Strateški cilj 1. – Ažuriranje planova zaštite od požara i izrada operativno-taktičkih planova gašenja požara;
- Strateški cilj 2. - Unapređenje sistema preventivne zaštite;
- Strateški cilj 3. - Razvoj i jačanje svih komponenti vatrogastva;
- Strateški cilj 4. – Povećanje brzine i efikasnosti reagovanja;
- Strateški cilj 5. - Unapređenje saradnje;
- Strateški cilj 6. - Obučavanje i tehnička opremljenost subjekata zaštite od požara i vatrogastva;
- Strateški cilj 7. – Edukacija stanovništva.

Navedeni strateški ciljevi, posebno se obrađuju kroz akcijske planove koji su prikazani u poglavlju IV ovoga programa.

³ Vatrogasna jedinica DVD „Tuzla“ i Vatrogasna jedinica DVD „Gornja Tuzla“

IV – Akcijski plan

Akcijski plan razvoja prikazan u ovom dokumentu, okrenut je razvoju, odnosno onim razvojnim aktivnostima zaštite od požara i vatrogastva koje će imati direktan uticaj na smanjenja opasnosti od požara i eksplozija na području Grada. Ovaj akcijski plan sadrži:

- a) Područja razvoja⁴ za planirani razvojni period koja obuhvataju:
 - Gašenje požara (požare otvorenog prostora, šumske požare, požare na građevinama),
 - Pružanje tehničke podrške u saobraćajnim nesrećama, poplavama, spašavanja s visina,
 - Provođenje preventivnih mjera iz plana zaštite od požara,
 - Pomoć u spašavanju ljudi i imovine u slučaju nastanka prirodne ili druge nesreće;
- b) Viziju razvoja⁵;
- c) Načela i opredjeljenja grada Tuzla po pitanju razvoja zaštite od požara i vatrogastva⁶;
- d) Strateške ciljeve po prioritetima i u određenom vremenskom okviru, koji su međusobno oslonjeni jedan na drugi, s tim da su svi podjednako važni u širem kontekstu i potiču sveobuhvatan razvoj elemenata zaštite od požara i vatrogastva.

Normativni okvir

Cilj 1. Ažuriranje planova zaštite od požara i izrada operativno-taktičkih planova gašenja požara

Normativna regulativa u Gradu Tuzla, kao jedinici lokalne samouprave, regulisana je Odlukom o organizaciji i funkcioniranju zaštite od požara i vatrogastva, Procjenom ugroženosti od požara i Planom zaštite od požara za područje grada Tuzle.

Članom 45. Zakona o zaštiti od požara i vatrogastvu, utvrđena je obaveza, jednom godišnje, ažuriranja plana zaštite od požara. Ažuriranje plana podrazumjeva njegovu analizu sa stanovišta svih pitanja koja su sadržana u planu i analizu realizacije zadataka i problema u njihovoj realizaciji. Sve izmjene i dopune plana trebaju ići u pravcu da se obuhvate sve mjere zaštite od požara koje mogu uticati na sprječavanje nastanka požara ili eksplozije i da postoje uslovi za njihovu realizaciju (kadrovski, materijalni i drugi), kao i na otklanjanje smetnji koje su onemogućavale realizaciju svih planiranih mjera zaštite od požara.

Obaveza je Profesionalne vatrogasne jedinice Grada Tuzle, vatrogasnih jedinica Dobrovoljnih vatrogasnih društava „Tuzla“ i „Gornja Tuzla“, da sačine taktičko-operativne planove gašenja požara i spašavanja ljudi i materijalnih dobara.

⁴ Područja razvoja su utvrđena u odnosu na potrebe koje proizilaze iz zakonskih obaveza Grada

⁵ Vizija razvoja zaštite od požara i vatrogastva, a u skladu sa politikom razvoja zaštite od požara i vatrogastva u gradu Tuzla usmjerit će se na unaprjeđenje u ovoj oblasti kroz usaglašavanje sa politikom razvoja viših nivoa vlasti, a u cilju preuzimanja dobrih praksi i usmjerenja iz iskustava EU u ovoj oblasti.

⁶ Načelo zaštite; načelo prevencije; načelo stalnosti; načelo jačanja svijesti; načelo javnosti; načelo saradnje; načelo solidarnosti i načelo odgovornosti.

Taktičko operativne planove gašenja požara i spašavanja ljudi i materijalnih dobara treba uraditi za objekte razvrstane u kategorije požarne ugroženosti PU1 i PU2.

Preventivna zaštita

Cilj 2. Unapređenje sistema preventivne zaštite

Uspostavljanje sistema zaštite od požara koji se prevashodno zasniva na preventivnom djelovanju svih građana i institucija i nadzoru državnih organa vlasti u oblasti zaštite od požara je prioritetan cilj.

Zakon obavezuje organe jedinice lokalne samouprave, državne organe, kao i pravna lica i druge subjekte, da obezbjede sprovođenje mjera zaštite od požara i nadzor nad njihovim sprovođenjem, donošenjem pravilnika zaštite od požara, procjena i planova zaštite od požara (za subjekte I i II kategorije ugroženosti od požara).

1) Mjere zaštite od požara u oblasti prostornog planiranja

Pri izradi dokumenata prostornog uređenja: Prostornog plana Grada Tuzle, urbanističkih planova, regulacionih planova i urbanističkih projekata, planiraju se prostorne i tehničke mjere zaštite od požara, a naročito:

- uslovi za efikasno spašavanje ljudi, životinja i materijalnih dobara,
- potrebni razmaci ili protivpožarna udaljenost između objekata,
- vatrogasni prilazi i površine za manipulativni rad,
- obezbjeđenje dovoljnih količina vode za gašenje požara,
- primjena odgovarajućih materijala koji ne mogu biti uzročnici nastanka i prenosa požara.

Uz napred navedena dokumenta izrađuje se elaborat zaštite od požara u koje se razrađuju pobrojane mjere.

2) Preventivne mjere koje se provode pri projektovanju i gradnji građevina

Pri projektovanju i gradnji građevina i ugradnji priključaka, opreme, uređaja i postrojenja, kao i njihovoj proizvodnji, moraju se predvidjeti i primjeniti mjere zaštite od požara koje će omogućiti

- smanjenje mogućnosti nastanka požara;
- pravovremeno otkrivanje i obavještanje o požaru;
- efikasno spašavanje ljudi, životinja i materijalnih dobara (u građevini i izvan građevine);
- ograničavanje širenja vatre i dima;
- efiksno gašenje požara;
- osiguranje saobraćajnih i manipulativnih površina za interventna vozila.

Održavanje instalacija:

Vlasnici i korisnici građevina i prostora, te upravitelji stambenih objekata, dužni su održavati u ispravnom stanju postrojenja, uređaje, električne, gasne, ventilacijske, dimovodne i druge instalacije koje mogu pruzrokovati nastajanje i širenje požara, u skladu sa tehničkim normativima i uputstvima proizvođača, koji se odnose na ta pitanja o čemu moraju voditi evidenciju i posjedovati odgovarajuću dokumentaciju.

Instalisanje sistema aktivne zaštite od požara:

Osnovna karakteristika aktivnih sistema zaštite od požara je da samostalno djeluju u slučaju pojave opasnosti. Aktivni protiv-požarni sistemi najčešće se sastoje od sistema za detekciju, sistema za gašenje požara i alarmnog sistema.

Izgradnja izvora i instalacija za opskrbu vodom za gašenje požara:

Za gašenje požara potrebno je osigurati minimalne potrebne količine vode i pritisak u hidrantskoj mreži, u skladu sa važećim propisima.

Također je potrebno izvršiti rekonstrukciju odnosno dogradnju sistema vanjske hidrantske mreže, u skladu sa Planom zaštite od požara za područje Grada Tuzla.

Određeni broj vodotoka i akumulacija, što prirodnih, što vještačkih, potrebno je urediti kako bi se oni mogli koristiti za crpljenje vode upotrebom skupne vatrogasne opreme.

Mjere u vezi s loženjem vatre i spaljivanjem korova i drugog biljnog otpada na otvorenom prostoru:

U cilju sprovođenja ove preventivne mjere potrebno je organizirati savjetodavne sastanke za sve sudionike i obveznike provođenja zaštite od požara, prvenstveno s vlasnicima šumskih površina, vlasnicima i korisnicima poljoprivrednog zemljišta, stanovnicima naselja seoskog karaktera koji se pretežno bave poljoprivrednom djelatnošću, sa šumarskim i poljoprivrednim inspektorima, te inspektorima zaštite od požara, sve u cilju poduzimanja potrebnih mjera, kako bi se opasnost od nastajanja i širenja požara smanjila na najmanju moguću mjeru.

Organizacione mjere

Cilj 3. Razvoj i jačanje svih komponenti vatrogastva

Osnovna vatrogasna snaga na području Grada Tuzle je Profesionalna vatrogasna jedinica Grada Tuzle, formacije vatrogasne čete koja treba da broji minimalno 60 vatrogasaca, organizacijski raspoređenih u četiri smjene.

Profesionalna vatrogasna jedinica Grada Tuzle vrši sljedeće operativne i druge poslove:

- 1) gašenje požara i spašavanje ljudi i materijalnih dobara ugroženih požarom i eksplozijom na otvorenom prostoru, šumske požare, požare na građevinama i materijalnim dobrima svih vlasnika i korisnika gdje se god požar pojavi;
- 2) pružanje tehničke pomoći u spašavanju ljudi u nezgodama izazvanih u saobraćaju, poplavama, spašavanju sa visina i drugim akcidentnim situacijama i nesrećama ;
- 3) učestvuje u provođenju određenih preventivnih mjera;
- 4) pružanje odgovarajuće pomoći u spašavanju ljudi i materijalnih dobara kod postojanja prirodne i druge nesreće.

Radi boljeg pokrivanja područja djelovanja smještena je u dvije vatrogasne ispostave „Centar i „Kreka“.

Članom 2. Pravilnika o uvjetima koje moraju ispunjavati objekti za smještaj profesionalnih i dobrovoljnih vatrogasnih jedinica i vatrogasnih jedinica pravnih lica i minimum materijalno-tehničkih sredstava potrebnih za održavanje opreme i sredstava tih jedinica („Sl.novine“, broj:107/12), propisano je da profesionalne i dobrovoljne vatrogasne jedinice i vatrogasne jedinice pravnih lica trebaju da imaju zasebne objekte-vatrogasne domove za smještaj vatrogasnih vozila, opreme uređaja i sredstava i boravak pripadnika vatrogasnih jedinica za vrijeme obavljanja poslova iz nadležnosti vatrogasne jedinice.

Pored navedenog vatrogasni objekti treba da obezbjede:

- normalan rad i funkcionisanje vatrogasne jedinice,

- najoptimalnije vrijeme za vatrogasnu intervenciju, na način da budu locirani u zoni odgovornosti vatrogasne jedinice,
- da vatrogasna vozila iz garažnog prostora mogu direktno i slobodno pristupiti saobraćajnici,
- nesmetano manevrisanje vatrogasnih vozila u krugu vatrogasnog objekta.

Analizirajući trenutni smještaj Profesionalne vatrogasne jedinice Grada Tuzla, kao osnovne snage za obavljanje vatrogasne djelatnosti, ne možemo u potpunosti biti zadovoljni jer objekti ne ispunjavaju uvjete propisane navedenim pravilnikom.

Dopunske snage za vatrogastvo na području Grada Tuzla su:

- Dobrovoljna vatrogasna jedinica, Dobrovoljnog vatrogasnog društva „Tuzla“, formacije vatrogasnog odjeljenja i
- Dobrovoljna vatrogasna jedinica, Dobrovoljnog vatrogasnog društva „Gornja Tuzla“, formacije vatrogasnog odjeljenja.

Dopunske snage za vatrogastvo osposobljavaju se za gašenje požara i zaštitu od požara, po pravilu, na: šumama i šumskom zemljištu, na poljoprivrednim površinama, stambenim, privrednim i javnim objektima i prevoznim sredstvima.

Neophodno je pružiti pomoć vatrogasnim društvima po pitanju ispunjavanja kadrovskih, materijalnih i drugih uslova koji su potrebni za rad dobrovoljne vatrogasne jedinice, što se rješava u dogovoru sa Službom civilne zaštite.

Cilj 4. Povećanje brzine i efikasnosti reagovanja

Da bi se ostvario ovaj strateški cilj, potrebno je:

- Kontinuirano obučavanje vatrogasnih snaga (PVJ, DVD-ovi na području Grada, vatrogasne jedinice pravnih lica),
- Provođenje preventivnih mjera ZOP-a u skladu sa Prostornim planom Grada,
- Materijalno – tehnička opremljenost PVJ (vatrogasna vozila prema namjeni, vozila za gašenje požara, vozila za spašavanje s visina, tehničke intervencije i dr.),
- Raspored vatrogasnih ispostava,
- Opremanje sistemom radio veze vatrogasaca, dispečerskog centra PVJ, Operativnog centra CZ i Gradskog štaba CZ (digitalna),
- Popuna lične formacije PVJ i drugih vatrogasnih jedinica DVD-a i drugih vatrogasnih jedinica pravnih lica.

Saradnja svih faktora u sistemu zaštite od požara i vatrogastva

Cilj 5. Unapređenje saradnje

Saradnja na području zaštite od požara i vatrogastva neminovna je ne samo u svom praktičnom dijelu - gašenju požara, već i radi uspostave potrebnih struktura, zajedničkog planiranja mjera i postupaka u zaštiti od požara, pružanja materijalno-tehničke pomoći, izgradnje sistema za razmjenu informacija, stvaranje uslova za hitno reagovanje i zajedničko djelovanje, te obučavanje, osposobljavanje i uvježbavanje organiziranih snaga prema međunarodnim standardima.

Sporazumom o saradnji u ostvarivanju zadataka civilne zaštite („Sl. novine Federacije BiH“, broj: 36/01) koji je sklopljen između Federalne uprave civilne zaštite i Republičke uprave civilne zaštite Republike Srpske uređen je način postupanja i ostvarivanja mogućnosti zajedničkog djelovanja na poslovima zaštite i spašavanja.

I pored do sada ostvarene saradnje potrebno je raditi na uspostavljanju intenzivnijih odnosa sa svim subjektima u okruženju radi stalne razmjene iskustava i ukazivanje na najbolja praktična iskustva, razne video edukacije, kursevi i treninzi, razvijanje regionalnih programa i sl.

Kapaciteti u znanju, vještinama i potrebnoj opremljenosti

Cilj 6. Obučavanje i tehnička opremljenost subjekata zaštite od požara i vatrogastva

Obučavanje:

Potrebno je provesti odgovarajuću edukaciju i treninge, kao i vježbe simulacije za sve subjekte u sistemu zaštite od požara.

Ovu aktivnost je potrebno voditi u tri pravca:

- osposobljavanje Profesionalne vatrogasne jedinice Grada Tuzla, kao osnovne snage za obavljanje vatrogasne djelatnosti,
- osposobljavanje dobrovoljnih vatrogasnih jedinica Dobrovoljnih vatrogasnih društava „Tuzla“ i „Gornja Tuzla“, kao dopunskih snaga vatrogasne djelatnosti,
- obučavanje Službi zaštite i spašavanja, Službe civilne zaštite i Gradskog štaba civilne zaštite Tuzla.

Tehnička opremljenost subjekata zaštite od požara:

Složenost i ozbiljnost različitih intervencija vatrogasnih jedinica ukazuju na to da je njihova spremnost i opremljenost za brzo i adekvatno reagovanje primarna pretpostavka uspješnosti u zaštiti i spašavanju ljudi i materijalnih dobara, a pogotovu u slučajevima gašenja požara većih razmjera i saniranja njihovih posljedica.

Planom zaštite od požara za područje grada Tuzle i Pravilnikom o minimumu opreme i sredstava i roku korištenja te opreme i sredstava za profesionalne i druge vatrogasne jedinice, propisana je formacija i sredstva i oprema koja je neophodna za uspješno djelovanje Profesionalne vatrogasne jedinice Grada Tuzle i dobrovoljnih vatrogasnih jedinica Dobrovoljnog vatrogasnog društva „Tuzla“ i „Gornja Tuzla“.

Pored skupne opreme potrebno je obezbjediti i ličnu i zajedničku zaštitnu opremu za vatrogasce koja mora zadovoljiti zahtjeve i uvjete propisane Uredbom o uniformi, nazivima funkcija i funkcionalnim oznakama vatrogasaca u profesionalnim i dobrovoljnim vatrogasnim jedinicama, ovlaštenja starješina tih jedinica, zaštitnoj i radnoj odjeći i opremi vatrogasaca ("Službene novine Federacije BiH", broj: 8/11).

Prema Zakonu u nadležnost grada spada obaveza osiguranja kadrovskih, materijalnih, tehničkih i drugih potreba za efikasno funkcionisanje vatrogastva.

Potrebno je intenzivirati rad na kadrovskoj popunjenosti i opremljenosti vatrogasnih jedinica koje djeluju na području Grada Tuzla i osposobljavanju njihovih pripadnika.

Edukacija iz oblasti zaštite od požara

Cilj 7. Edukacija stanovništva

Definisanje programa i izvođenje obuke stanovništva, zaposlenih u državnoj upravi, tijelima lokalne samouprave, pravnim licima, učenika u osnovnim i srednjim školama presudno je za provođenje preventivnih mjera zaštite od požara, gašenje požara i spašavanje ljudi i materijalnih dobara ugroženih požarom.

Neophodno je, dakle, kontinuirano provoditi obuku stanovništva i drugih struktura društva putem seminara, prezentacija i vježbi, a posebnu pažnju posvetiti ranjivim kategorijama društva poput djece i starijih osoba. Također treba iznaći mogućnost štampanja letaka za građane koji bi sadržavali uputstva o načinu ponašanja u slučaju požara i drugih nesreća, koji bi uz kućni red, bili obavezan sadržaj u svakoj zgradi.

Potrebno je provesti odgovarajuću edukaciju i treninge, kao i vježbe simulacije za sve subjekte u sistemu zaštite od požara.

U ovom planskom periodu ovu aktivnost je potrebno voditi u dva pravca i to:

- 1) Osposobljavanje osnovnih snaga za obavljanje vatrogasne djelatnosti:
 - kontinuirano osposobljavanje Profesionalne vatrogasne jedinice Grada Tuzle,
- 2) Osposobljavanje dopunskih snaga za vatrogastvo:
 - osposobljavanje dobrovoljnih vatrogasnih jedinica Dobrovoljnih vatrogasnih društava „Tuzla“ i „Gornja Tuzla“,
 - obučavanje Službi zaštite i spašavanja, Službe civilne zaštite i Gradskog štaba civilne zaštite.

Tabela 1. Akcioni plan

Aktivnosti	Nosioci	Vremenski rok	finansiranje	Mogući izvori sredstava	Napomena
Cilj 1. Ažuriranje i usklađivanje procjene i plana zaštite od požara za područje grada Tuzle -Izrada taktičko-operativnih planova gašenja požara	-Služba civilne zaštite -Profesionalna vatrogasna jedinica Grada Tuzla, DVD-a „Tuzla“ i „Gornja Tuzla“	-svake godine do kraja februara tekuće godine, -2021.-2026. godina			-obaveza u skladu sa članom 45. Zakona o zaštiti od požara i vatrogastvu i članom 67. Uredbe o načinu izrade planova zaštite i spašavanja od prirodnih i drugih nesreća i planova zaštite od požara, -prema Planu zaštite od požara za područje grada Tuzle
Cilj 2. Unapređenje sistema preventivne zaštite: -mjere zaštite od požara u oblasti prostornog planiranja, -preventivne mjere koje se	-ovlašteni projektanti, -pravna lica iz oblasti	-kontinuirano, -kontinuirano,			

<p>provode pri projektovanju i gradnji građevina,</p> <p>-održavanje instalacija,</p> <p>-instalisanje sistema aktivne zaštite od požara,</p> <p>-izgradnja izvora i instalacija za opskrbu vodom za gašenje požara,</p> <p>-mjere u vezi s loženjem vatre i spaljivanjem korova i drugog biljnog otpada na otvorenom prostoru,</p> <p>-nabavka i održavanje zidne hidrantske mreže i aparata za početno gašenje požara u kolektivnim stambenim objektima.</p>	<p>prostornog planiranja i projektovanja,</p> <p>-vlasnici građevina,</p> <p>-vlasnici građevina,</p> <p>-J.P. „Vodovod i kanalizacija“</p> <p>-Služba civilne zaštite,</p> <p>-Upravitelji i etažni vlasnici</p>	<p>-u skladu za propisima i vlastitim procjenama zaštite od požara i propisima</p> <p>-2021.-2026. godine</p> <p>-2021.-2026. godine - mart svake godine,</p> <p>-nabavka u periodu 2021.-2026. godine - održavanje svakih 6 mjeseci</p>		<p>-sredstva J.P. Vodovod i kanalizacija</p> <p>-sredstva etažnih vlasnika</p>	<p>-edukacija stanovništva i vlasnika šumskog i poljoprivrednog zemljišta</p>
<p>Cilj 3. Razvoj i jačanje svih komponenti vatrogastva: - Profesionalna vatrogasna jedinica Grada Tuzla: 1. Nabavka vatrogasnog vozila – vatrogasna cisterna spremnika vode do 5.000 litara, 2. Izgradnja vatrogasne ispostave „Zapad“ na području MZ Šićki Brod 3. Izgradnja vatrogasne ispostave „Istok“ na području MZ Sjenjak 4. Gašenje vatrogasne ispostave „Centar“ i dogradnja vatrogasne ispostave „Kreka“ (novo sjedište vatrogasne jedinice)</p>	<p>-Grad Tuzla Služba civilne zaštite</p>	<p>-2021.-2026. godina</p>		<p>-Budžet Grada, donacijska sredstva i sredstva EU kroz projekte</p>	
<p>Cilj 4. Povećanje brzine i efikasnosti reagovanja: -mjere za izmjene ili dogradnju sistema veze operativnog centra CZ i dispečerskog centra Profesionalne vatrogasne jedinice</p>	<p>-Služba civilne zaštite</p>	<p>-2021. - 2026. godina</p>		<p>-sredstva posebne naknade za zaštitu i spašavanje i sredstva za vatrogastvo</p>	
<p>Cilj 5. Unapređenje saradnje: -ostvarivanje saradnje sa susjednim općinama</p>	<p>-Služba civilne zaštite</p>	<p>-2021. - 2026. godina</p>			
<p>Cilj 6. Obučavanje i tehnička opremljenost subjekata</p>	<p>- Služba civilne zaštite</p>	<p>- 2021. - 2026. godina</p>			

<p>zaštite od požara: -osposobljavanje osnovnih snaga za obavljanje vatrogasne djelatnosti, odnosno profesionalnih i dobrovoljnih vatrogasnih jedinica, -obučavanje službi zaštite i spašavanja i gradskog štaba civilne zaštite, -tehničko opremanje za brzo i adekvatno djelovanje,</p>					
<p>Cilj 7. Edukacija stanovništva: -obuka stanovništva putem predavanja, prezentacija, vježbi i sl., -štampanje propagandnog materijala, -obuka putem medija.</p>	<p>-Služba civilne zaštite</p>	<p>-2021.-2026. godine</p>	<p>-sredstva planirana u Planu korištenja sredstava zaštite i spašavanja</p>	<p>-sredstva posebne naknade za zaštitu i spašavanje</p>	